

Шортанды аудандық мәслихатының 2019 жылғы 29 тамыздағы № С-46/3 "

Шортанды ауданының әлеуметтік көмек көрсетудің, оның мөлшерлерін белгілеудің және мұқтаж азаматтардың жекелеген санаттарының тізбесін айқындаудың қағидаларын бекіту туралы" шешіміне өзгерістер енгізу туралы

### ***Күшін жойған***

Ақмола облысы Шортанды аудандық мәслихатының 2020 жылғы 10 қыркүйектегі № С-63/3 шешімі. Ақмола облысының Әділет департаментінде 2020 жылғы 16 қыркүйекте № 8024 болып тіркелді. Күші жойылды - Ақмола облысы Шортанды аудандық мәслихатының 2023 жылғы 20 қарашадағы № 8С-10/3 шешімімен

**Ескерту.** Күші жойылды - Ақмола облысы Шортанды аудандық мәслихатының 20.11.2023 № 8С-10/3 (оның алғашқы ресми жарияланған күнінен кейін күнтізбелік он күн өткен соң қолданысқа енгізіледі) шешімімен.

Қазақстан Республикасының 2001 жылғы 23 қаңтардағы "Қазақстан Республикасындағы жергілікті мемлекеттік басқару және өзін-өзі басқару туралы" Заңының 6 бабына, Қазақстан Республикасы Үкіметінің 2013 жылғы 21 мамырдағы № 504 "Әлеуметтік көмек көрсетудің, оның мөлшерлерін белгілеудің және мұқтаж азаматтардың жекелеген санаттарының тізбесін айқындаудың үлгілік қағидаларын бекіту туралы" қаулысына сәйкес, Шортанды аудандық мәслихаты ШЕШІМ ҚАБЫЛДАДЫ:

1. Шортанды аудандық мәслихатының "Шортанды ауданының әлеуметтік көмек көрсетудің, оның мөлшерлерін белгілеудің және мұқтаж азаматтардың жекелеген санаттарының тізбесін айқындаудың қағидаларын бекіту туралы" 2019 жылғы 29 тамыздағы № С-46/3 (Нормативтік құқықтық актілерді мемлекеттік тіркеу тізілімінде № 7349 тіркелген, 2019 жылғы 02 қыркүйекте Қазақстан Республикасы нормативтік құқықтық актілерінің электрондық түрдегі эталондық бақылау банкінде жарияланған) шешіміне келесі өзгерістер енгізілсін:

көрсетілген шешіммен бекітілген Шортанды ауданының әлеуметтік көмек көрсетудің, оның мөлшерлерін белгілеудің және мұқтаж азаматтардың жекелеген санаттарының тізбесін айқындаудың қағидаларында:

4 тармақ жаңа редакцияда жазылсын:

"4. "Ардагерлер туралы" 2020 жылғы 6 мамырдағы Қазақстан Республикасының Заңында және "Қазақстан Республикасында мүгедектерді

әлеуметтік қорғау туралы" 2005 жылғы 13 сәуірдегі Қазақстан Республикасы Заңының 16-бабында көрсетілген адамдарға әлеуметтік көмек осы қағидаларда көзделген тәртіппен көрсетіледі.";

6 тармақ жаңа редакцияда жазылсын:

"6. Әлеуметтік көмек көрсету үшін атаулы күндер мен мереке күндерінің тізбесі:

1) 9 мамыр – Жеңіс күні;

2) 1 қазан – Қарттар күні;

3) қазанның екінші жексенбісі – Қазақстан Республикасының Мұгедектер күні.>";

11 тармақ жаңа редакцияда жазылсын:

"11. Мұқтаж азаматтардың жекелеген санаттарының келесі тізбесі айқындалсын:

Ұлы Отан соғысының ардагерлері;

басқа мемлекеттердің аумағындағы ұрыс қымылдарының ардагерлері;

женілдіктер бойынша Ұлы Отан соғысының ардагерлеріне теңестірілген ардагерлер;

еңбек ардагерлері;

"Ардагерлер туралы" 2020 жылғы 6 мамырдағы Қазақстан Республикасының Заңының күші қолданылатын басқа да адамдар;

ең төмен және төмен зейнетақы мөлшерінен төмен алатын зейнеткерлер;

барлық топтағы мұгедектер;

мұгедек баланы тәрбиелеп отырған адамдар;

әлеуметтік мәні бар аурулары бар азаматтар (онкологиялық аурулары бар адамдар, адамның иммунитет тапшылығы вирусын жүқтывандар және туберкулездің әртурлі түрлерімен ауыратын науқастар);

табиғи зілзаланың немесе өрттің салдарынан зардап шеккен азаматтар (отбасылар);

өмірлік қызын жағдайға тап болған, табысы ең төменгі күнкөріс деңгейінен төмен азаматтар (отбасылар);

аз қамтылған, көп балалы, халықтың (отбасылардың) әлеуметтік-әлсіз топтарынан шыққан, жоғары медициналық оқу орындарында оқитын студенттер;

бас бостандығынан айыру орындарынан босатылған және пробация қызметінің есебінде тұратын адамдар.";

12 тармақ жаңа редакцияда жазылсын:

"12. Әлеуметтік көмек белгіленеді:

1) Ақмола облысының жергілікті атқарушы органымен келісім бойынша атаулы күндер мен мереке күндеріне бір рет бірыңғай мөлшерде:

Жеңіс күніне:

Ұлы Отан соғысының ардагерлеріне;  
басқа мемлекеттердің аумағындағы ұрыс қимылдарының ардагерлеріне;  
женілдіктер бойынша Ұлы Отан соғысының ардагерлеріне тәнестірілген  
ардагерлерге;  
еңбек ардагерлеріне;  
"Ардагерлер туралы" 2020 жылғы 6 мамырдағы Қазақстан Республикасының  
Заңының қүші қолданылатын басқа да адамдарға;

Қарттар күніне:  
ең төмен және төмен зейнетақы мөлшерінен төмен алатын зейнеткерлерге;  
Қазақстан Республикасының Мүгедектер күніне:  
барлық топтағы мүгедектерге;  
мүгедек баланы тәрбиелеп отырған адамдарға;

2) өмірлік қызын жағдай туындаған кезде азаматтарға (отбасыларға) өтініш  
бойынша азаматтың (отбасының) жан басына шаққандағы орташа табысын  
ескермestен жылына бір рет:  
әлеуметтік мәні бар аурулары бар азаматтарға (онкологиялық аурулары бар  
адамдарға, адамның иммунитет тапшылығы вирусын жүқтіргандарға және  
туберкулездің әртүрлі түрлерімен ауыратын науқастарға) – 15 айлық есептік  
көрсеткіш мөлшерінде;  
1, 2-топтағы мүгедектерге – 8 айлық есептік көрсеткіш мөлшерінде;  
мүгедек баланы тәрбиелеп отырған адамдарға – 3 айлық есептік көрсеткіш  
мөлшерінде;  
табиғи зілзаланың немесе өрттің салдарынан зардап шеккен азаматтарға (  
отбасыларға) – 40 айлық есептік көрсеткіш мөлшерінде;  
бас бостандығынан айыру орындарынан босатылған және пробация  
қызметінің есебінде тұратын адамдарға – 5 айлық есептік көрсеткіш мөлшерінде;  
мемлекеттік медициналық ұйымдармен жұмысқа орналасу туралы шарт  
жасасқан жоғары медициналық оқу орындарында оқитын аз қамтылған, көп  
балалы, халықтың (отбасылардың) әлеуметтік-әлсіз топтарынан шыққан  
студенттеріне оқу орнымен жасасқан шарттың, оқу орнынан анықтаманың және  
өтініш берушінің жоғарыда көрсетілген санаттарға жататындығын растайтын  
анықтаманың негізінде жергілікті бюджет есебінен жылдық оқу құнының  
мөлшерінде төлеуге;

3) өмірлік қызын жағдай туындаған кезде азаматтарға (отбасыларға) өтініш  
бойынша азаматтың (отбасының) жан басына шаққандағы орташа табысын  
ескере отырып, жылына бір рет:  
табысы ең төменгі күнкөріс деңгейінен төмен азаматтарға (отбасыларға) – 8  
айлық есептік көрсеткіш мөлшерінде:  
– шұғыл емделуге (ота жасау);

– кәмелеттік жасқа толмаған балаларды жерлеуге.

Өмірлік қызын жағдай туындағаннан кейін үш айдан кешіктірмей әлеуметтік қомекке жүгіну мерзімдері.

4) уәкілетті ұйымның тізімдері негізінде жыл сайынғы өтініш беру бойынша:

Ұлы Отан соғысының ардагерлеріне коммуналдық қызметтерді және телефон байланысының қызметтері үшін абоненттік ақыны ұсынылған түбіртектердің көшірмелеріне сәйкес алушылардың жеке шоттарына аудару жолымен – ай сайын 100 пайыз мөлшерінде;

женілдіктер бойынша Ұлы Отан соғысының ардагерлеріне теңестірілген ардагерлерге коммуналдық қызметтерді төлеу үшін алушылардың жеке шоттарына аудару жолымен – ай сайын 1 айлық есептік көрсеткіш мөлшерінде.".

2. Осы шешім Ақмола облысының Әділет департаментінде мемлекеттік тіркелген күнінен бастап күшіне енеді және ресми жарияланған күнінен бастап қолданысқа енгізіледі.

*Шортанды аудандық  
мәслихатының сессия  
төрағасы*

*Шортанды аудандық  
мәслихатының хатшысы*  
**"КЕЛІСІЛДІ"**  
*Шортанды ауданының әкімдігі*

*A. Хабовский*

*Д.Отаров*

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК